

Շոգովուրդ

10
(3219)

11 փետրվարի չորեքշաբթի 2026
տպագրության ԺԵ տարի

Ք. Երեւան, Արմվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԿԱՐԾԱՐԾԻ ՀԱՅ ԳԵՐԻՆԵՐԻ ԱԶԱՏ ԱՐՁԱԿՄԱՆ ՀԱՐՑԸ




ՀՀ-ից Բաքու մեկնող ԱՄՆ փոխնախագահը հայտարարեց, որ Ադրբեջանում իր հանդիպումների ընթացքում կարծարծի հայ գերիների ազատ արձակման հարցը:


«Դա, անկասկած, կքննարկվի: Մենք շատ լավ հարաբերություններ ունենք թե՛ այստեղ՝ վարչապետի, եւ թե՛ Ադրբեջանի նախագահի հետ: Իրականում երեկ լսեցի վարչապետի խոսքը: Նա խաղաղության համաձայնագրի հարցում լավատես է՝ հաշվի առնելով, թե որտեղ ենք այժմ՝ համեմատած ընդամենը մի քանի ամիս առաջվա հետ: Այդ պատճառով մենք, անշուշտ, կբարձրացնենք մի շարք հարցեր, սակայն կարծում եմ՝ շարունակելու ենք արդյունավետ ու հաջող համագործակցությունը թե՛ ադրբեջանցիների, թե՛ հայերի հետ»:

«Ռազմական գործողությունների հետեւանքով ստեղծված պայմաններում եւ հանգամանքներում անհայտ կորած անձանց մասին» օրինագիծն ու կից մի շարք օրենքներում փոփոխություններ եւ լրացումներ նախատեսող օրենսդրական փաթեթն առաջին ընթերցմամբ քննարկման է ներկայացրել ՀՀ արդարադատության նախարար Սրբուհի Քալանը: Սահմանվում են անհայտ կորած անձի, ինչպես նաեւ նրա ընտանիքի անդամների իրավունքները, այդ թվում՝ անհայտ կորած անձի անհետացման պատճառների եւ հանգամանքների, գտնվելու դեպքում՝ գտնվելու վայրի, մահվան դեպքում՝ մահվան հանգամանքների, հուղարկավորման վերաբերյալ հավաստի տեղեկություններ ստանալու, մարմինը (մասունքները) ստանալու իրավունքը եւ այլն: Սահմանվում են անհայտ կորած անձի հետախուզման համար դիմում ներկայացնելու ընթացակարգը, հետախուզման գործընթացին առնչվող դրույթները, հետախուզման դադարեցման դեպքերը:

Մանրամասները՝ ArmLur.am կայքում



ArmLur.am-ը տեղեկացավ, որ վարչապետ Նիկոլ Փաշինյանի որոշմամբ միջգերատեսչական աշխատանքային խումբ է ստեղծվել: Մենք տեղեկացանք, որ աշխատանքային խումբը ստեղծել են գորակոչային տարիքի քաղաքացիների եւ զինծառայողների դատաբժշկական փորձաքննության գործընթացի հետ կապված խնդիրներն ուսումնասիրող եւ համապատասխան լուծման առաջարկներ ներկայացնելու համար: ArmLur.am-ի տեղեկություններով՝ այժմ քննարկվում է, թե ովքեր են լինելու խմբի կազմում: Նախատեսված է, որ կլինի պաշտոնյա ՀՀ առողջապահության նախարարությունից՝ նախարարի տեղակալ, ՀՀ զինվորական դատախազ եւ ՀՀ քննչական կոմիտեի նախագահի համապատասխան ոլորտը համակարգող տեղակալ: Առաջիկա օրերին պետք է աշխատանքային խումբը վերջնական տեղավորվի եւ սկսի իր աշխատանքները:



Պաշտոնական այցով ՀՀ-ում գտնվող ԱՄՆ փոխնախագահ Ջեյմս Դի Վենսը երեկ՝ վաղ առավոտյան, այցելեց Հայոց ցեղասպանության զոհերի հիշատակին նվիրված հուշակոթող՝ Ծիծեռնակաբերդի հուշահամալիր, որտեղ նրան որեւէ բարձրաստիճան պաշտոնյա հարկ չհամարեց ուղեկցել: Վենսը տիկնոջ՝ Ուշա Վենսի հետ էր այցելել հուշահամալիր: Ըստ պաշտոնական հայտարարության՝ ԱՄՆ բարձրաստիճան պաշտոնյային ուղեկցել է ՀՀ ԿԳՄՍ նախարար Ժաննա Անդրեասյանը: ArmLur.am-ի հարցին, թե ինչու որեւէ բարձրաստիճան պաշտոնյա չուղեկցեց ՀՀ-ում գտնվող ԱՄՆ փոխնախագահին, ՀՀ կառավարությունից փոխանցեցին. «Արարողակարգով պայմանավորված ուղեկցել է ԿԳՄՍ նախարար Ժաննա Անդրեասյանը»:



«ՀԻԱՍԹԱՓՈՒԹՅՈՒՆՆԵՐ ԿԱՆ ԳՈՐԾՈՂ ԻՇԽԱՆՈՒԹՅՈՒՆԻՑ»


ԱՄՆ փոխնախագահ Ջեյ Դի Վենսի եւ Նիկոլ Փաշինյանի՝ փետրվարի 9-ին Տեղի ունեցած հանդիպման, հանդիպումից ստացվող հնարավոր ֆազա-ֆական զարգացումների, եկեղեցի-դե-տոյություն փոխհարաբերության եւ դրա արջանակներում կասարվող իրավա-խախտումների, Բաժնու մասնավոր հայ ռազմագերիների հնարավոր վերադար-ձի այս եւ այլ հարցերի վերաբերյալ գրուցել ենք իրավապաշտպան Կարա-դե Պողոսյանի հետ:

Պարոն Պողոսյան, այս օրերին ի՞նչ տրամադրություններ են Գյումրիում, երբ կալանավորված է քաղաքապետ Վարդան Դուկասյանը: Գյումրեցիներն ինչպե՞ս են հետեւում Երեւանում եւ առհասարակ հանրապետությունում տեղի ունեցող իրադարձություններին:

«Բնականաբար, Գյումրին թերեւս գտ-նվում է ՀՀ-ում եւ, բնականաբար, Հայաս-տանում տեղի ունեցող այս վայրէջքները չեն կարող անմասն թողնել գյումրեցիներին: Առավել եւս, որ Գյումրին՝ իր բնույ-թով, մշակույթով, ՀՀ-ում մշտապես պրա-տող քաղաք է եղել, եւ այս պարագայում սարսափելի մեծ հիասթափություններ են: Հիասթափություններ կան գործող իշխա-նությունից, ինչու չէ՝ նաեւ ընդդիմությու-նից: Առհասարակ, շատ վատ տրամադ-րություններ, որոնք ապրել են գյումրեցի-ները դեռ 2020 թվականից: Հիասթափու-թյուններն առավել խորացան Արցախի հանձնումից հետո՝ տեսնելով արցախցի-ների տնից-տեղից կտրված լինելը: Գյում-րեցիներից լավ ոչ մեկ չի կարող հասկա-նալ տևական եղած մարդկանց: Ցավոք սր-տի, շատ անկումային է, շատ հիասթա-փեցնող, եւ դա փոխելու համար շատ կա-րելու է՝ ՀՀ-ում տեղի ունեւան այնպիսի գործընթացներ, որ մարդկանց մոտ հույ-սեր առաջանան: Դա չի կարող լինել ընտ-րությունը, քանի որ նման իշխանություն-ներին, կարծում եմ, ընտրություններով հե-ռացնելն անհնար է:

Փետրվարի 9-10-ին պաշտոնական այ-ցով Երեւանում էր ԱՄՆ փոխնախագահ Ջեյ Դի Վենսը: Փետրվարի 9-ին նա հան-դիպում ունեցավ Նիկոլ Փաշինյանի հետ: Ի՞նչ քաղաքական զարգացումների սպա-սել: Ի՞նչ ազդեցություն կարող է այս այցը թողնել Հայաստանի վրա:

«Նախ նշեմ, որ Վենսի այցը եւ մի փոքր այլ կերպ եմ բնորոշել, եւ այն անվանել եմ Վենսի արշավանքներ: Քանի որ Վենսը այստեղ գտնվում է ԱՄՆ-ի շահերը առաջ



տանելու համար, եւ այս շահերի առաջտարման գործում, որպեսզի մենք ունենայինք որոշակի ձեռքբերումներ, առաջին հերթին պետք է ունենայինք մեր երկիրը ներկայացնող ղեկավար, ինչը, ցա-վոք, 8 տարի է՝ մենք չունենք: Հետեւաբար, եթե մենք փորձենք միամտաբար ինչ-որ լավ ակնկալիքներ ունենալ, սա զուր է: Երեկ Վենսի եւ Փաշինյանի ստորագրած փաստաթղթերից պարզ դարձավ մի բան, որ իրենք ամբողջովին ուզում են տարա-ծաշրջանը դարձնել ամերիկյան շահերի սպասարկման միջանցք:

Փետրվարի 5-ին Բաքուն հրապարա-կեց Արցախի ռազմաքաղաքական ղեկա-վարության եւ մյուս հայ գերիների ծանր եւ ապօրինի դատավճիռները: Երբ արդեն Բաքուն հրապարակել է դատավճիռները, ինչպե՞ս եք տեսնում նրանց հնարավոր ազատ արձակումը, հայրենիք վերադար-ձը: Ի՞նչ ճանապարհներով:

«Նախ ուզում եմ իրենց մասով չօգտա-գործենք դատավճիռ հասկացությունը, քանի որ դատավճիռ տալիս են հանցա-գործներին, իսկ այդ մարդիկ հանցագործ չեն, համեմատաբար Ադրբեջանի օրենսդ-րության համապատասխան իրենք որեւէ հանցանք չեն գործել, որովհետեւ իրենք առնչություն չեն ունեցել Ադրբեջանի հետ, իրենք ունեցել են առնչություն Արցախի ազատ հանրապետության հետ: Պետու-թյուն, որտեղ հանցավոր գործողություն-ների եւ պայմանավորվածության արդյուն-քում կործանվեց այն, եւ այդտեղ հանցա-գործներ են Իլհամ Ալիևը եւ Նիկոլ Փաշ-ինյանը առաջնահերթ: Ինչպես նշեցինք, այդ, իրենք գերիներ են, նրանց վերա-դարձնելու մեկ տարբերակ կա՝ գերիներին փոխանակում են գերիների հետ: Իսկ դրան հասնելու համար մենք պետք է ազատվենք Նիկոլ Փաշինյանից:

Զրուցեց ՆԱՆԻԿ ԱՂԱՍՅԱՆԸ

ԱԴԲԵՋԱՆԱԿԱՆ ԲԵՌՆԵՐԸ ԻՆՉՊԵՍ ԵՆ ԶՆՆՎԵԼՈՒ

Հայաստանի Հանրապետության տա-րածքում կառուցվելիք TRIPP «Թրամ-փի ուղի՝ հանուն միջազգային խաղա-ղության եւ բարգավաճման» ճանա-պարհի վրա, ինչպես Հայաստանի ամ-բողջ տարածքում, գործելու են ԵԱՏՄ մաքսային իրավական համակարգերը: Այս մասին մամուլի ասուլիսի ընթաց-քում հայտնեց ՀՀ պետական եկամուտ-ների կոմիտեի նախագահ Էդուարդ Հակոբյանը:

ՊԵԿ նախագահը պարզաբանեց նա-եւ, թե ինչպես կարող են զննվել այդ ճանապարհով անցնող ադրբեջանա-կան բեռները:

«Մենք շատ շուտով ունենալու ենք մոնիտորինգի կենտրոն, որը միանալու է ցամաքային կետերում մեր ռենտգեն համակարգերին, թույլ է տալու հեռա-վար տարբերակով վերլուծել անցնող բեռները եւ ընտրել թիրախները, թե ինչն է պետք զննել: Եթե ինչ-որ տեղ կասկածելի բան բացահայտվի, իհար-կե, կարիք կլինի մարդկային միջամ-տության: Այդ դեպքում «Ֆրոնտ-օֆիս»-ի աշխատակիցը դուրս է գալու, կատա-րելու է զննում կամ այլ գործառնություն: Այս համակարգը թույլ է տալիս քիչ շփ-վել այն մարդկանց հետ, որոնք սահ-մանն անցնում են: TRIPP-ի դեպքում այս նույն մոտեցումն է այս պահին քն-նարկվում», - ասաց Հակոբյանը:

Հիշեցնենք, որ հունվարի 13-ին ՀՀ ար-տաքին գործերի նախարար Արարատ Միրզոյանը եւ ԱՄՆ պետքարտուղար Մարկո Ռուբիոն հանդիպել են Վաշինգ-տոնում՝ հրապարակելու «Թրամփի ուղի՝ հանուն միջազգային խաղաղության եւ բարգավաճման» նախագծի (TRIPP) իրականացման շրջանակը:

Շրջանակն ուղղվածում է TRIPP-ի գործարկման կոնկրետ ուղին, որը նա-խատեսված է Հայաստանի տարածքով անխոչընդոտ, մուլտիմոդալ տարան-ցիկ փոխկապակցվածության հաս-տատման համար: Կապելով Ադրբեջա-նի հիմնական մասն իր Նախիջևեանի Ինքնավար Հանրապետության հետ եւ ստեղծելով Տրանս-Կասպյան առեւտ-րային երթուղու կենսական օղակ՝ ակն-կալվում է, որ TRIPP-ը միջազգային եւ ներպետական փոխկապակցվածու-թյան փոխադարձ առավելություններ կստեղծի Հայաստանի Հանրապետու-թյան համար:

Արտացոլելով 2025 թվականի օգոս-տոսի 8-ին նախագահ Թրամփի կող-մից հյուրընկալված պատմական հա-ղաղության գագաթաժողովում հաս-տատված սկզբունքները՝ TRIPP-ի իրականացման շրջանակն ընդգծում է ինքնիշխանության, տարածքային ամբողջականության եւ փոխադարձու-թյան կարեւորությունը TRIPP-ի ընդ-հանուր հաջողության համար: TRIPP-ի վերջնական նպատակն է ամրապն-դել Հայաստանի եւ Ադրբեջանի բար-գավաճումն ու անվտանգությունը եւ խթանել ամերիկյան առեւտուրն՝ ընդ-լայնելով տարածաշրջանային առեւ-տուրն ու փոխկապակցվածությունը, ինչ-պես նաեւ ստեղծելով Կենտրոնական Ասիան եւ Կասպից ծովը Եվրոպային կապող նոր տարանցիկ հնարավորու-թյուններ:

ՏՈՆՈՅԱՆԸ ԿՏՄՓԱՇԻՆՅԱՆԻ ԱՆՈՒՆԸ

Պաշտպանության նախկին նախարար Դավիթ Տոնոյանի եւ ՊՆ նախկին դա-տնյանների դեմ հարուցված քննարկում է:

«Ժողովուրդ» օրաթերթին դռնփակ նիս-տից մանրամասներ են հայտնի դարձել. մեղադրյալների մեծ մասը իր պաշտպա-նական ճառը ասել է, հերթը Դավիթ Տո-նոյանին է, եւ նա պատրաստվում է պաշտպանական ճառին:

Կարճ ժամանակ անց դատավոր Վահե Դոլմազյանը կգնա որոշում կայացնելու:

Հիշեցնենք, որ ԱԱԾ քննչական դեպար-տամենտում հարուցվել էր քրեական գործ՝ ռազմամթերքի ձեռքբերման գործընթա-ցում ենթադրյալ չարաշահումների վերա-բերյալ: Քրեական գործի շրջանակներում մեղադրանք է առաջադրվել յոթ անձի, այդ թվում՝ ՊՆ նախկին նախարար Դա-վիթ Տոնոյանին, ՀՀ ԶՈՒ ԳԾ պետ Արտակ Դավթյանին, ԶՈՒ ԳԾ պետի նախկին տե-ղակալ Ստեփան Գալստյանին:



Գործը Հակակոռուպցիոն դատարանում քննվում է դռնփակ շուրջ 4 տարի եւ հա-սել է ավարտին:

Ինչպես հայտնի է, Ազգային ժողովի աշ-խատակազմից մերժել էին պաշտպանու-թյան նախկին նախարար Դավիթ Տոնոյա-

նի խնդրանքը՝ ծանոթանալու 44-օրյալի քննիչ հանձնաժողովի գեկույցին: Խորի-դարանից հիմնավորել են, թե գեկույցը չի կարող հասանել լինել Տոնոյանին, քանի որ այն իրավական կարգավիճակ չունի:

ՔՆՆՈՐ ՄԱՆՈՒԿՅԱՆ

**ԿՈՐԱՄԻՏԵՆ
ՀՈՒՅՍ Է
ՀԱՅՏՆԵԼ**



Վրաստանի վարչապետ Իրակլի Կոբախիձեն Բրյուսելի կողմից երկակի ստանդարտների եւս մեկ դրսեւորում է անվանել Եվրամիության փորձերը՝ Ռուսաստանի հետ ուղիղ երկխոսություն հաստատելու՝ միաժամանակ անտեսելով Վրաստանի հետ երկխոսությունը:

«Եվրոպական բյուրոկրատիան սկսել է խոսել Ռուսաստանի հետ ուղիղ երկխոսության անհրաժեշտության մասին, սակայն Վրաստանի հետ երկխոսությունը, որը Բրյուսելը դադարեցրել էր Թբիլիսիի ենթադրաբար ռուսամետ կառավարության պատճառով, դեռեւս չի վերականգնվել: Սա երկակի ստանդարտ է», - երեքշաբթի օրը լրագրողներին ասել է Կոբախիձեն:

Նա հույս է հայտնել, որ Ռուսաստանի հետ երկխոսությունը վերականգնելուց հետո Եվրամիությունը կվերականգնի նաեւ Վրաստանի հետ ուղիղ երկխոսությունը:

Եվրամիության եւ Վրաստանի միջեւ շփումները դադարեցվեցին 2024 թվականին, երբ իշխող «Վրացական երազանք» կուսակցությունը, որը Բրյուսելում համարվում էր ռուսամետ քաղաքական ուժ, հաղթեց խորհրդարանական ընտրություններում:

**ԻՆՉԻ ՊԵՏՔ Է
ՊԱՏՐԱՍՏ ԼԻՆԻ**

ԵՄ-ն պետք է պատրաստ լինի փոխարինելու ԱՄՆ ռազմավարական ուժերն ու հնարավորությունները Եվրոպայում եւ ստեղծելու իրական եվրոպական պաշտպանական միություն: Ինչպես տեղեկանում ենք ՏԱՄՍ գործակալությունից, այդ մասին հայտարարել է ԵՄ պաշտպանության հարցերով հանձնակատար Անդրյուս Կուբիլյուսը՝ Ստրասբուրգում ելույթ ունենալով Եվրախորհրդարանի նստաշրջանում:

«Մենք պետք է պատրաստ լինենք Եվրոպայում ԱՄՆ ռազմավարական հնարավորությունները փոխարինելու եվրոպականով. դա ռազմավարական առաջնահերթություն է: Մենք պետք է նաեւ պատրաստ լինենք փոխարինելու այն պայմանագրային ուժերը, որոնք ԱՄՆ-ն ունի Եվրոպայում. դա առաջին քայլն է դեպի եվրոպական անկախություն», - հայտարարել է նա՝ կոչ անելով վերածելու Եվրամիությունը պաշտպանական միության:

Նա նաեւ նշել է, որ Եվրամիության երկրները պետք է մինչեւ 2035 թվականի վերջը 6,8 տրիլիոն եվրո ծախսեն սպառազինության համար, եթե կատարեն ՆԱՏՕ-ի շրջանակներում իրենց պարտավորությունները՝ կապված ռազմական ծախսերը ՀՆԱ-ի 5%-ին հասցնելու հետ: Նրա խոսքով՝ Եվրահանձնաժողովը ԵՄ երկրների գլխավոր խնդիրն է համարում «արտադրել, արտադրել եւ կրկին արտադրել» զենք:

ԱՅՏԵԼԵԼ Է

ՎԵՆՍԻՆ ԶՈՒՂԵԿՑԵՑԻՆ ԾԻԾԵՌՆԱԿԱԲԵՐԴ

Պաշտոնական այցով Հայաստանի Հանրապետությունում գտնվող ԱՄՆ փոխնախագահ Ջեյ Դի Վենսը սիկնոջ հետ այցելել էր Ցեղասպանության հուշահամալիր:

Հիշեցնենք, որ ԱՄՆ փոխնախագահ Ջեյ Դի Վենսը տիկնոջ՝ Ուշա Վենսի հետ երկօրյա պաշտոնական այցով փետրվարի 9-ին ժամանել էր Հայաստանի Հանրապետություն: Երեւանի «Զվարթնոց» օդանավակայանում ԱՄՆ փոխնախագահի գլխավորած պատվիրակությանը դիմավորել են Ազգային ժողովի նախագահ Ալեն Սիմոնյանը եւ Երեւանի քաղաքապետ Տիգրան Ավինյանը:

Ջեյ Դի Վենսն օդանավակայանից ուղեւորվել էր ՀՀ նախագահական նստավայր, որտեղ տեղի է ունեցել ՀՀ վարչապետ Նիկոլ Փաշինյանի եւ ԱՄՆ փոխնախագահ Ջեյ Դի Վենսի հանդիպումը:

Պաշտոնական այցով ՀՀ-ում գտնվող ԱՄՆ փոխնախագահը երեկ՝ փետրվարի 10-ի վաղ առավոտյան, այցելեց Հայոց ցեղասպանության զոհերի հիշատակին նվիրված հուշակոթող՝ Ծիծեռնակաբերդի հուշահամալիր, որտեղ նրան որեւէ բարձրաստիճան պաշտոնյա հարկ չհամարեց ուղեկցել: Վենսը տիկնոջ՝ Ուշա Վենսի հետ էր այցելել հուշահամալիր:

Ըստ պաշտոնական հայտարարության՝ ԱՄՆ բարձրաստիճան պաշտոնյային ու-



ղեկցել է ՀՀ ԿԳՄՍ նախարար Ժաննա Անդրեասյանը:

ArmLur.am-ի հարցին, թե ինչու որեւէ բարձրաստիճան պաշտոնյա չուղեկցեց ԱՄՆ փոխնախագահին, ՀՀ կառավարությունից փոխանցեցին. «Արարողակարգով պայմանավորված ուղեկցել է ԿԳՄՍ նախարար Ժաննա Անդրեասյանը»:

Բանն այն է, որ Ժաննա Անդրեասյանը, որը Ծիծեռնակաբերդում էր, ոչ թե ուղեկցում, այլ ողջունում էր պարզապես: Անդ-

րեասյանն անգամ հարկ չի համարել հուշահամալիրի ներսում նրանց ուղեկցել, բացառել, թե ինչ նշանակություն ունի կոթողը, սյուների թիվը, անմար կրակը: Միայն նրա համար, որ տպավորություն ստեղծվի, թե նախարարն է ուղեկցել Վենսին եւ կնոջը, պաշտոնական հաղորդագրության մեջ մի անձրեւոտ ձեռքսեղմում է հրապարակվել ընդամենը, այն էլ կիսահագնված Վենսի հետ:

ԷՄՄԱ ՄԻՔԱՅԵԼՅԱՆ

ՕՐՎԱ ԽՃԱՆԿԱՐ

**ՏԱՆԿԵՐ Է
ՄԱՏԱԿԱՐԱՐԵԼ**

2026 թվականին ամերիկյան Abrams M1A2 SEPv3 տանկերի առաջին խմբաքանակն է ժամանել Լեհաստան: Ինչպես տեղեկանում ենք «Ինտերֆաքս» գործակալությունից, այդ մասին հաղորդել է Լեհաստանի պաշտպանության նախարարությանն առընթեր Սպառազինությունների գործակալությունը:

Լեհաստան է մատակարարվել քսանինը տանկ: Տեխնիկան վերջնական մշակում կանցնի Պոզնանի WZMOT զինագործարանում, որից հետո կմատակարարվի լեհական զորքի սպառազինությանը:

Լեհական բանակն արդեն ունի նախորդ տարբերակների 116 Abrams տանկ, ինչպես նաեւ իրականացվում են նոր վերափոխված տարբերակի մատակարարումներ: Նախատեսվում է լեհական զորքի սպառազինությանը մատակարարել, ընդհանուր առմամբ, 250 Abrams M1A2 SEPv3 տանկ:

Abrams M1A2S EPv3-ը տարբերվում է կոմպոզիտային զրահի կիրառմամբ, կրակի կառավարման կատարելագործված համակարգերով, բեկորաֆուզասային արկերով կրակելու կարողությամբ եւ մի շարք այլ բարելավումներով:

**ԻՆՉԻ Է
ՍՏԻՊԱՄԾ
ԲԵԼԱՌՈՒՍԸ**

Բելառուսը ներկայիս դրությամբ ստիպված կլինի ամրապնդել իր պաշտպանունակությունը: Այս մասին հայտարարել է հանրապետության նախագահ Ալեքսանդր Լուկաշենկոն՝ զինված ուժերի համալրման եւ ռազմարդյունաբերական համալիրի զարգացման հարցե-

րին նվիրված խորհրդակցության ժամանակ:

Երկրի առաջնորդի խոսքով, որը մեջբերում է «ԲելՏա» գործակալությունը, արդի պայմաններում ինքնաբավ կարող է համարվել միայն այն պետությունը, որն առաջին հերթին ի վիճակի է ապահովել ռազմական ուղորդում իր անվտանգությունը: «Ուզենք, թե չուզենք, ես վաղուց էի այդ մասին զգուշացրել բելառուս ժողովրդին, դուք առավել եւս գիտեք այդ մասին, մենք ստիպված կլինենք ամրապնդել մեր պաշտպանունակությունը», - ասել է նա:



ԻՐԱՎԱԿԱՆ

ՎԱՐՈՒՅՈՒ

ՈՎ ԿԱՄ ԻՆՉՈՎ ԵՆ ՄՊԱՌՆԱՅԵԼ ՎԱԶՄԳԱՆ ԴԱԶԱՐՅԱՆԻՆ

Ինչդեռ հայտնի է՝ Իսակովի որդոսայի 23 հասցեում գտնվող հողատարածքներն օտարելու գործով, բացի Սերժ Սարգսյանի անվան գյուղացիական միությունից, մեղադրյալ է նաև մեկ այլ անձ՝ Մուհեմ Սարգսյանը: Նա 2005-2006 թվականների ընթացքում եղել է Պաշտպանության նախարարության կառավարման ժամանակահատվածում և գործերի բնակավայրում վարչության ղեկավարը:

Վաչագան Ղազարյանի գործն արդեն Հակակոռուպցիոն դատարանում էր, երբ Սարգսյանի մասն ուղարկվեց դատարան, եւ այժմ այս երկու գործերը միասին են քննվում՝ դատավոր Տիգրան Դավթյանի վարչությունում:

Ըստ մեղադրանքի՝ Վաչագան Ղազարյանը դիմել է պաշտպանության նախարարին՝ Սերժ Սարգսյանին, այս գործով մեղադրյալ Արմեն Սարգսյանին, ինչպես նաև պաշտոնատար այլ անձանց, եւ, օգտվելով նրանց հետ մտերիմ հարաբերությունների ունենալու հանգամանքից, վերջիններիս դրդել է հողային օրենսգրքի պահանջների խախտմամբ, այն է՝ հողամասն ուղղակի վաճառելու հիմքերի բացակայության պայմաններում, շուկայական արժեքից ցածր գնով Իսակովի պողոտայի 23 հասցեում գտնվող հողատարածքը վաճառել իրեն:

Այս հողատարածքի հետ կապված՝ նաև ապօրինի գույքի բռնագանձման վարույթ



է եղել Դատախազությունում: Այդ վարույթի շրջանակներում Ղազարյանը շուրջ մեկ տարի առաջ հողատարածքը վերադարձրել է պետությանը, որից հետո քրեական գործի շրջանակներում նրա նկատմամբ ընտրված խափանման միջոց կալանավորումը փոխվել է ազատագրկման հետ չկապված խափանման միջոցով, ու

գործն ուղարկվել է դատարան՝ բուն քննության:

Թեև Ղազարյանը ապօրինի գույքի բռնագանձման շրջանակներում վերադարձրել է հողատարածքները՝ քրեական գործի շրջանակներում մեղադրանքը չի ընդունում:

ՔՆԱՐ ՄԱՆՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ՇՆԱՄԱՐՏ

Համայնքային ոստիկանության Արտաշատի բաժնում օպերատիվ տեղեկություն էր ստացվել, որ հունվարի 28-ին Արեւշատ գյուղի 45-ամյա եւ Նշավան գյուղի 37-ամյա երկու բնակիչ Արեւշատ գյուղի հարակից դաշտում շնամարտ են կազմակերպել: Ձեռնարկված միջոցառումների արդյունքում 45-ամյա տղամարդը հրավիրվել է Արտաշատի բաժին, որտեղ բացատրական աշխատանքի արդյունքում խոստովանել է արարքը: Կազմված փաստաթղթերը ներկայացվել են նախաքննական մարմին: Հիշեցնենք, որ կենդանու նկատմամբ դաժան վերաբերմունքը, այդ թվում՝ կենդանիների մարտի կազմակերպումը կամ իրականացումը, քրեորեն պատժելի արարք է:

ԶԵՆԵՐ-

ԶԻՆԱՄԹԵՐԲ

Համայնքային ոստիկանության Շենգավիթի բաժնի, Պարեկային ծառայության Երեւան քաղաքի գնդի եւ Ոստիկանության գվարդիայի 2-րդ գնդի ծառայողները համատեղ ուժեղացված ծառայության ընթացքում ապօրինի զենք-զինամթերք են թմրամիջոց են հայտնաբերել:

Մասնավորապես, Արշակունյաց պողոտայում հայտնաբերվել, սառը զենք պահելու եւ կրելու կասկածանքով ձերբակալվել եւ Շենգավիթի բաժին է տեղափոխվել Արարատի մարզի Այնթապ գյուղի բնակիչ 30-ամյա մի երիտասարդ: Նրա անձնական խուզարկությամբ հայտնաբերվել է ծալովի դանակ:

Հաջորդ ղեպքը արձանագրվել է Բագրատունյաց պողոտայում. ապօրինի զենք-ռազմամթերք պահելու եւ կրելու կասկածանքով ձերբակալվել եւ Համայնքային ոստիկանության Շենգավիթի բաժին է տե-

ղափոխվել Երեւանի բնակիչ 36-ամյա մի երիտասարդ, որի անձնական խուզարկությամբ հայտնաբերվել է օդանւշից ատրճանակ: Սառը զենք պահելու եւ կրելու հերթական դեպքը դարձյալ գրանցվել է Բագրատունյաց պողոտայում: Շենգավիթի բաժնի տեղափոխված Արարատի մարզի Բյուրական գյուղի 36-ամյա բնակչի անձնական խուզարկությամբ հայտնաբերվել է ներկառուցված դանակով կռիվազենք: Համատեղ ուժեղացված ծառայության ընթացքում բացահայտվել է նաև թմրամիջոց պահելու եւ օգտագործելու դեպք:

Արշակունյաց պողոտայում հայտնաբերվել, ձերբակալվել եւ բաժին են տեղափոխել 17 եւ 33 տարեկան երկու երիտասարդ՝ «Շերլոկ» ավտոմեքենայով հանդերձ, որի սրահի ակնհայտ տեսանելի հատվածում կիսամոխրացած հետքերով կաթուղի կար: 33-ամյա երիտասարդի անձնական խուզարկությամբ հայտնաբերվել է շոկո թմրամիջոցի նմանվող զանգվածով փաթեթ:

Բոլոր ղեպքերով կազմված փաստաթղթերը ներկայացվել են նախաքննական մարմին:

ԹՄԲԱՄԻՋՈՑ

Համայնքային ոստիկանության Արտաշատի բաժնի ծառայողները փետրվարի 6-ին օպերատիվ տեղեկություններ էին ստացել, որ Մրգավան գյուղի 47-ամյա բնակիչը պահում եւ օգտագործում է թմրանյութ: Մրգավան մեկնած համայնքային ոստիկանները պարզել են, որ տեղեկությունը հավաստի է: Բացատրական աշխատանքի արդյունքում 47-ամյա տղամարդը ներկայացրել է ընդհանուր 250 գրամ մարիխուանա տեսակի թմրանյութի նմանվող զանգվածով ապակյա տարաներ: Կազմված փաստաթղթերը ներկայացվել են նախաքննական մարմին:

ՄԱՀՎԱՆ ԵԼՔՈՎ

Փետրվարի 10-ին մահվան ելքով վրաերթ է տեղի ունեցել Արարատի մարզում: Ժամը 12:40-ի սահմաններում 61-ամյա Սեմիոն Բ.-ն իր վարած «MAN» մակնիշի բեռնատարով Երեւան-Երասխ ավտոճանապարհի Ս2 մայրուղու Արտաշատ քաղաքի վարչական տարածքում «Վան» ռեստորանային համալիրի մոտ, վրաերթի է ենթարկել հետիոտն, Արարատի մարզի բնակիչ 80-ամյա Կ. Մարտիրոսյանին: Ինչպես հայտնում է ֆոտոլրագրող Գագիկ Շամշյանը, վարորդը փախուստի չի դիմել, ահազանգել է շտապօգնություն եւ օպերատիվորեն ժամանած «Արտաշատ» բժշկական կենտրոնի շտապօգնության բժիշկների հերթապահ խումբը արձանագրել է հետիոտնի մահը: Դեպքի վայր են ժամանել ՀՀ Ներքին գործերի նախարարության ոստիկանության պարեկային ծառայության Արարատի մարզի գումարտակի 1-ին վաշտի պարեկները՝ գումարտակի հրամանատար Գեորգ Զաքարյանի, գումարտակի հրամանատարի տեղակալ Հայկ Հակոբյանի եւ գումարտակի ծառայության ավագ տեսուչ Սահակ Թադեւոսյանի գլխավորությամբ: Վթարի մասին ՊԾ Արարատի մարզի գումարտակից տեղեկությունը փոխանցել են ՀՀ ընկնական կոմիտեի Արարատի մարզային ընկնական վարչություն, որտեղից ժամանել է ընկնական խումբը՝ վարչության պետ Տիգրան Մելիքյանի վարչության պետի տեղակալ Ներսես Մուրադյանի եւ օրվա պատասխանատու հերթապահ ընկնի գլխավորությամբ: Դեպքի փաստով ընկնական բաժնում նախաձեռնվել է քրեական վարույթ: Քննիչի հանձնարարականով ավտոմեքենան տեղափոխվել է ոստիկանության Արտաշատի բաժնի պահպանվող հատուկ տարածք:

ԼՈՒՐԵՐ

ՀԵՏԱԽՈՒԶՎՈՂՆԵՐԸ ՀԱՅՏՆԱԲԵՐՎԵԼ ԵՆ

Համայնքային ոստիկանության Նուբարաշենի բաժնի ծառայողները ձեռնարկած օպերատիվ-հետախուզական միջոցառումների արդյունքում փետրվարի 6-ին հաղաղ Դոնի փողոցի հասցեներից մեկի մոտ հայտնաբերել, ձերբակալել եւ բաժին են տարել 56-ամյա մի տղամարդու, որը փետրվարի 3-ից Համայնքային ոստիկանության Մարաշի բաժնի կողմից հետախուզվում էր պատժի կրումից խուսափելու համար. խափանման միջոցը՝ կալանք: Նա տեղափոխվել է քրեակատարողական հիմնարկ:

Համայնքային ոստիկանության Բազումի բաժնի ծառայողների ձեռնարկած օպերատիվ-հետախուզական միջոցառումների եւ բացատրական աշխատանքի արդյունքում փետրվարի 6-ին բաժին է ներկայացել Լորուտ գյուղի բնակիչ 40-ամյա մի տղամարդ, որը հետախուզվում էր անզգուշությամբ մեկ ուրիշին կյանքից զրկելու մեղադրանքով. խափանման միջոցը՝ կալանք: Նա տեղափոխվել է քրեակատարողական հիմնարկ:

ԳՈՂՈՒԹՅՈՒՆ

Համայնքային ոստիկանության Եղեգնաձորի բաժնի հաղորդում էր ստացվել, որ փետրվարի 6-ի ժամը 17-ից փետրվարի 7-ի ժամը 8-ն ընկած ժամանակահատվածում Ագարակաձոր գյուղի փողոցներից գողացել են համայնքի պատկանող ցինկե խողովակներ եւ կիսախողովակներ: Համայնքային ոստիկանների ձեռնարկած օպերատիվ-հետախուզական միջոցառումների արդյունքում պարզվել է, որ գողությունը կատարել է Մալիշկա գյուղի 66-ամյա բնակիչը եւ իրեն պատկանող «ԶԱԶ» բեռնատարով տեղափոխել իր բնակության հասցե: Հետագա միջոցառումներով պարզվել է, որ նույն ժամանակահատվածում Գետափ գյուղի բնակիչ 21-ամյա երիտասարդը Ագարակաձորի բնակիչներից մեկի հոմանիշ գողացել է 3 ցինկե խողովակ եւ վաճառել Մալիշկայի 66-ամյա բնակչին: 66-ամյա եւ 21-ամյա տղամարդիկ հրավիրվել են Եղեգնաձորի բաժնի եւ խոստովանել իրենց արարքը:

ԱՎՏՈՎԹԱՐ

Երեկ՝ փետրվարի 10-ին, ողբերգական ավտովթար է տեղի ունեցել Արագածոտնի մարզում: Ժամը 11:30-ի սահմաններում Ալագյազ-Զամշուլու ճանապարհին բախվել են «Ford Transit» եւ «ՎԱԶ 21015» մակնիշի ավտոմեքենաները: Ինչպես դեպքի վայրից հայտնում է ֆոտոլրագրող Գագիկ Շամշյանը, վթարի հետեւանքով 1 հոգի տեղում մահացել է, 2 վիրավորներից մեկը տեղափոխվել է «Ապարան» բժշկական կենտրոն, մյուսը՝ «Շաղկառուկոտ» բժշկական կենտրոն: Վթարի փաստով ընկնական բաժնում նախաձեռնվել է քրեական վարույթ, որտեղ էլ պարզում են ավտոմեքենաների սեփականատերերի, վարորդների, մահացածի եւ վիրավորի ինքնությունը: Գ. Շամշյանի տեղեկություններով՝ մահացածը վարորդներից մեկի մայրն է: Դեպքի վայրում հավաքված քաղաքացիները նշում էին, որ ճանապարհն ամբողջությամբ եղել է մերկասառույց, եւ վթարից որոշ ժամանակ անց են սկսել աղ ու ավազի խառնուրդով մշակել այն: Երկու ավտոմեքենաներն էլ եղել են ձմեռային անվաղողներով:

● Ըստ ոստիկանության տվյալների՝ հանրապետությունում փետրվարի 9-ից 10-ը բացահայտվել է 147 հանցագործություն, որոնցից 6-ը՝ նախկինում կատարված:

ՄԱՐԶ

ԵՐԲ ԵՔ ԱՆՎԱՆԱՓՈԽԵԼՈՒ

Դիլիջան համայնքի ավագանու հունվարի 12-ի նիստում Դիլիջան համայնքի ղեկավար Դավիթ Սարգսյանը առաջարկություն է ներկայացրել Դիլիջան քաղաքի Ս. Պետրոսյան փողոց թիվ 1/1 հասցեից մինչև Ե. Շամախյան փողոց թիվ 1/3 հասցեն անվանակոչել հայ բանաստեղծ, արձակագիր, թարգմանիչ, գրական-հասարակական գործիչ, հրապարակախոս Ավետիք Իսահակյանի անվամբ: Ավագանին 11 կողմով ընդունել է համայնքի ղեկավարի առաջարկը, քվեարկության ժամանակ դեմ, ձեռնպահ չի եղել:

Նույն նիստում համայնքի ղեկավար Դ. Սարգսյանը առաջարկություն է ներկայացրել Դիլիջան քաղաքի Ֆ. Վասիլեի փողոցի թիվ 56 հասցեից մինչև թիվ 116/3 հասցեն անվանակոչել հայ ականավոր բանաստեղծ, մշակութային գործիչ, գրականագետ, թարգմանիչ Պարույր Սեւակի անվամբ: Վերստին նիստին մասնակցող ավագանու բոլոր 11 անդամները կողմ են քվեարկել համայնքապետի առաջարկին:

2025թ. դեկտեմբերի 5-ին կայացած Դիլիջան համայնքի ավագանու հերթական նիստում Դիլիջան համայնքի ավագանու անդամ, ավագանու «Հանրապետություն» կուսակցության խմբակցության ղեկավար Նունե Սանթրոսյանը առաջարկություն է ներկայացրել Դիլիջան քաղաքի Կամարինի փողոցը եւ Նրբանցքը անվանակոչել Արտուշ Սահակյանի անվամբ: Նիստին մասնակցող ավագանու բոլոր անդամները միակամ 11 կողմով որոշել են համաձայնություն տալ Դիլիջան քաղաքի Կամարինի փողոցը եւ Նրբանցքը անվանակոչել «Վաստակավոր ուսուցիչ», «Լավագույն ուսուցիչ» եւ մի շարք այլ բարձր կոչումների արժանացած Արտուշ Սահակյանի անվամբ՝ սերունդների կրթության եւ դաստիարակության գործում ունեցած մեծ ավանդի համար եւ ծննդյան 100-ամյա հոբելյանի առթիվ:

Դիլիջանի համայնքապետարանը հայտնում է, որ առաջիկայում կքննարկվեն նաեւ Դիլիջան քաղաքի մի շարք այլ փողոցների անվանափոխություններին վերաբերող առաջարկություններ, որոնք կներկայացվեն հասարակական քննարկման եւ ավագանու հաստատման: Դիլիջան քաղաքում կան բոլշեիկ ղեկավար, մանկապիղծ Միխայիլ Կալինինի, Կամոյի, հորհուրդների եւ այլ փողոցներ, որոնք անվանափոխման կարիք ունեն, սակայն Հայաստանի անկախացումից հետո՝ անցած 35 տարում, դրանց անվանումները չեն փոխվել:

Խորհրդային շրջանի իրադարձությունների, խորհրդային գործիչների անվանումներով փողոցներ կան նաեւ Տավուշի մարզի մյուս քաղաքներում: Նոյեմբերյան քաղաքի անվանումը 1917թ. բոլշեիկյան հեղափոխության ամսից (նոր տոմարով՝ նոյեմբերի 7) է, Նոյեմբերյան քաղաքում կա Նոյեմբերի 29-ի փողոց, Նոյեմբերի 29-ը 1920թ. 11-րդ Կարմիր բանակի կողմից Հայաստանի օկուպացիայի սկզբի օրն է: Տավուշի մարզկենտրոն Իջևան քաղաքում կա Մայիսի 28-ի փողոց՝ ի պատիվ 1920թ. անկախ Հայաստանում հայ բոլշեիկների խռովության օրվա:

ՈՍՎԱՆ ՍԱՐԳՍՅԱՆ

ԱՅԱՋԱՆԳ

ԹԱՓԱՌՈՂ ԸՆԵՐԻ ԽՆԴԻՐԸ

ՀՀ Կոսայի մարզի Քասախ համայնքում թափառող ըների խնդիրը չի լուծվում: Այս մասին մեզ ահազանգում են Քասախի բնակիչները: Նրանք մեզ հայտնում են, որ թափառող ըները չստեղծացված են: Թափառող ըների ոհմակին հանդիպում են Քասախի բոլոր փողոցներում:

«Սաղ գյուղն էլ էդ ա, շներ են, գյուղով մեկ թափառում են: Երեխաներին վախենում ենք մենակ տեղ ուղարկել: Կանայք էլ են վախենում, փոքր երեխան չի՞ վախենալու: Ոչ ստեղծացված ա, ոչ հսկում են էդ շներին: Մեկին որ կծեն, պատասխանը տալի՞ս են», - վրդովված ասաց մեզ ահազանգած քաղաքացին:

Մենք հետաքրքրվեցինք, թե եղել են դեպքեր, որ շները հարձակվեն մարդկանց վրա, քաղաքացին պատասխանեց հետեւյալ կերպ. «Պարտադիր ա մարդու կծեն, որ գան, խնդիրը լուծեն: Քանի դեպ չի եղել, էս խնդիրը լուծել ա պետք»:

Քասախի բնակիչը նաեւ մեզ տեղեկացրեց այլ խնդրի մասին: Նրա խոսքով՝ համայնքում հոսանքի տատանումներ հաճախ են լինում, հատկապես վատ եղանակի դեպքում:

«Չեմ կարող ասել՝ խնդիրը որն է, քանի որ ես մասնագետ չեմ, չեմ կարող ասել՝ մալուխները հին են, թե չէ, բայց ամեն ծյուն, անձրեւ տեղալուց մեր հոսանքը անջատվում ա, լինում ա՝ օրը մի քանի անգամ անաջատվում-միանում ա: Տեխնիկա է փչանում: Իմ տեխնիկան փչացել է», - վրդովված ասաց քաղաքացին՝ հավելելով, որ այսպես՝ խնդիրը չլուծելով, մեկը երկուս է դառնալու:

Մեզ ահազանգած քաղաքացին տեղեկացնում է նաեւ այն մասին, որ տրանսպորտի խնդիր էլ ունեն:



Տրանսպորտը, ինչպես ամիսներ առաջ հայտարարվեց, գյուղ չի մտնելու:

«Հոգնած աշխատանքից գալիս ենք, մեկ էլ էդտեղից քայլելով պիտի գնանք հասնենք մեր տները: Իմ տնից 10-15 րոպե հեռավորություն է, բայց մարդ կա գյուղի ծերը պիտի հասնի», - ասաց նա:

ArmLur.am-ը պարզաբանում ստանալու համար դիմեց Քասախի վարչական ղեկավար Արտակ Թովմասյանին: Նրանից պատասխան մեզ չհաջողվեց ստանալ: Քասախի համայնքապետարանից արձագանք ստանալուն պես՝ կիրառարկենք:

ՆԱՆԻԿ ԱՂԱՍՅԱՆ

ԾԱՌՈՒԿՅԱՆԻ ՔՂՂԱՔԱԿԱՆ ՁԵՎԱԶՍՓՈ

«Ամիսներ առաջ հայտարարել եմ «Առաջարկ Հայաստանին» ծրագրի մեկնարկը, համոզված լինելով, որ պետությունները կորուստներից հետո վերականգնվում են ծրագրերի, գաղափարների, կամքի եւ երկրին նվիրված, ունակ մարդկանց համախմբման շնորհիվ», - ֆեյսբուքյան իր էջում գրել է Գագիկ Ծառուկյանը:

«Սա վերկուսակցական նախաձեռնություն է, մեր քաղաքացիների մասին եւ նրանց մասնակցությամբ կազմվող ծրագիր: Այստեղ պիտի համախմբվեն մեր քաղաքացիների, ոլորտային լավագույն մասնագետների, գործիչների, հանրային դեմքերի, սրտացավ ու կարող մարդկանց գաղափարները՝ երկիրն այս վիճակից դուրս բերելու եւ հետպատերազմյան վերականգնման գնալու միասնական նպատակով:

Զեւաչափի մասին

«Առաջարկ Հայաստանին» գաղափարը Նոյյան տապանի պես մի բան է: Միայնակ փրկվել հնարավոր չէ: Ոչ մի անհատ, ոչ մի կուսակցություն, ոչ մի դաշինք միայնակ չի կարող մեծ արդյունքի հասնել: Մեր խնդիրներն այնքան խորն են, վիճակը՝ այնքան բարդ, որ այլ մոտեցում է պետք: Եթե ուզում ենք դուրս գալ այս վիճակից, գնալ հետպատերազմյան վերականգնման, վերականգնել մեր ազգային արժանապատվությունը, բոլոր ոլորտներում ապահովել աճ, ունենալ բարեկեցիկ, բարգավաճ Հայաստան, ոտքի կանգնող հայկական աշխարհ, ապա պետք է ստեղծենք պետական, գիտական, մասնագիտական մտքի

«Նոյյան տապան», որտեղ կուսակցական պատկանելությունը ոչ մի նշանակություն չունի, որտեղ հարգի են գիտելիքը, սկզբունքները, մարդկային որակները եւ պատրաստակամությունը՝ թեկուզ անձնապես տուժել, բայց օգնել երկրին:

Ես մտադիր եմ իսկապես քաղաքական, հանրային Նոյյան տապան ստեղծել, որտեղ կհավաքվեն բոլոր հետաքրքիր առաջարկները, գաղափարները, լուծումները, որտեղ ամեն մարդ կգտնի իր անելիքը, իր տեղը, երկրին օգուտ տալու իր ձեռը:

Ինչպես Նոյը տեսավ փրկության եւ վերածննդի ճանապարհը, Նոյնը մենք պիտի փորձենք անել այսօր:

Ես անելու եմ այնպես, որ բոլոր ունակ մարդիկ, կամք, սկզբունքներ ունեցող, աշխատելու ցանկություն ունեցող գործիչներն ունենան իրենց կարելու տեղն այն թիմում, որն ընտրությունների կզեւ «Առաջարկ Հայաստանին» ծրագրով:

Խնդիրները շատ են, ծանր են, բայց մենք դրանց պիտի նայենք որպես փորձություն, որը մեզ այս կյանքում տրվել է հաղթահարման համար: Եթե պիտի վախենանք մեր սեփական երկրի խնդիրները լուծելուց, ապա ո՞ւմ ենք դրանք թողնում: Մենք կարող ենք եւ պարտավոր ենք դրանք լուծել: Ուժերի համախմբումը, իրար լսելու ունակությունը, ներքին համերաշխությունը, կարող-ունակ մարդուն գնահատելու մեր վճռականությունը կբերեն լուրջ արդյունքների: Ես ձեւաչափը պատկերացնում եմ այդպես. անկախ իրավական լուծումից՝ այն պետք է լինի կարող անհատների «Նոյյան Տապան», որը

սկիզբ կդնի Նոր կյանքի, Նոր հաջողությունների:

Նախընտրական ցուցակի մասին

Այսքան ժամանակ որեւէ մեկն ինձ չի դիմել ցուցակում այս կամ այն տեղը զբաղեցնելու համար: Ինձ համար սա շատ կարելու է: Ես իմ մեջ ունեի որոշում, որ ով էլ դիմեր նման հարցով՝ անկախ իր արժեքից, իր գիտելիքներից, ասելու էի՝ ցուցակում, քեզ համար տեղ չկա: Հիմա մանդատակալի ժամանակը չէ:

Ես ուզում եմ ամենակարելու սկզբունքն արձանագրենք:

պաշտոնը չի կարելու, երկիրն է կարելու, մանդատը չի կարելու, աշխատանքի արդյունքն է կարելու:

Եվ հիմա հայտարարում եմ.

Պատրաստ եմ ստեղծելու հնարավորություններ՝ գիտելիք, սկզբունքներ, կամք, ունակություն, աշխատասիրություն ունեցող անհատների եւ միավորների համար:

Այս հայտարարությունն օրեր առաջ պաշտոնապես արել եմ երիտասարդության հետ հանդիպման ժամանակ: Ասել եմ ձերն է ապագան, դուք եք երկրի տերը՝ ձեր փայլուն առաջարկներով, ձեր խանդավառությամբ, ձեր՝ երբեք չկոտրվելու վճռականությամբ. եկեք, կպեք գործին:

Նույնն այսօր ասում եմ լայն շրջանակներին: Եթե ունեք ցանկություն, պատրաստակամություն՝ դժվար աշխատանքի, ընդունում եք «Առաջարկ Հայաստանին» ծրագրի գաղափարները, պատրաստ եք ձեր առաջարկներով եւ ներկայությամբ ուժեղացնելու այդ ծրագիրը, ապա ես պատրաստ եմ համատեղ աշխատանքի»:

● Փետրվարի 2-ից 9-ը Երեւանի պարեկները հայտնաբերել են ճանապարհային երթելեկության կանոնների 5683 խախտում՝ պահպանվող հատուկ տարածք տեղափոխելով 224 ավտոմեքենա:

ՍՈՑԻԱԼԱԿԱՆ

ԼՈՒՐԵՐ

ՆԱՎԹԱՏԱՐ ԵՆ ԿԱԼԱՆԵԼ

ԱՄՆ զինված ուժերը Հնդկական օվկիանոսում կալանել են ստուգման են ենթարկել նավթատար նավ, որը ենթադրաբար խախտել է վառելիքի տեղափոխման արգելքի պատժամիջոցները: Այս մասին Նշված է Պենտագոնի տարածած հայտարարությունում: «Զինված ուժերը գիշերն առանց միջադեպերի իրականացրել են Aquila II նավի ստուգում եւ կասեցում՝ INDOPACOM պատասխանատվության գոտում: Այն նավարկում էր՝ խախտելով Կարիբյան ավազանում պատժամիջոցների ներքո գտնվող նավերի վերաբերյալ նախագահ թրամփի սահմանած կարանտինը»,- Նշվում է հաղորդագրությունում: Տեղեկացվում է նաեւ, որ ամերիկացի զինվորականները նավը հետապնդել են Կարիբյան ավազանից մինչեւ Հնդկական օվկիանոս: Ըստ ԱՄՆ ֆինանսների նախարարության՝ արտասահմանյան ակտիվների վերահսկողության վարչության՝ Aquila II-ը նավարկում է Պանամայի դրոշի ներքո:

ԴԵՌ ՇԱՏ ԶԱՆԱՊԱՐՀ ԿԱ

Ռուս-ուկրաինական հակամարտության կարգավորման շուրջ բանակցությունները շարունակվում են, առջեւում դեռ շատ ճանապարհ կա, տեղեկանում ենք ՏԱՍՍ գործակալությունից: Այդ մասին հայտարարել է Ռուսաստանի արտաքին գործերի նախարար Սերգեյ Լավրովը «ՆՏՎ» հեռուստաալիքին տված հարցազրույցում:

«Մենք մեկ անգամ չէ, որ ասել ենք այն մասին, որ չպետք է տրվենք տեղի ունեցողի հիացական ընկալմանը, թե ԱՄՆ նախագահ Դոնալդ Թրամփն «իրենց տեղն է դրել» եվրոպացիներին, Կոլոդիմիր Զելենսկուն եւ Նրանցից պահանջում է կատարել... Այդ ամենը լավ է, եթե մենք ցանկանում ենք խաղաղության հասնել Ուկրաինայում, բայց մենք դեռեւս այնտեղ չենք: Բանակցությունները շարունակվում են, երկրորդ փուլը տեղի ունեցավ Աբու Դաբիում, առջեւում դեռ շատ ճանապարհ կա», - ասել է նա: Նախարարի խոսքով՝ Ռուսաստանի առաջատար դիրքերը միջուկային էներգիայի համաշխարհային շուկայում մարտահրավեր են նետում ամերիկացիներին, նրանք ցանկանում են փոխել դա: «Այն երկրներում, որտեղ մենք արդեն ունենք նախագծեր, աշխատանքի փորձ, այդ թվում նաեւ մեր հարեւանների, մի շարք եվրոպական երկրների մոտ, ամերիկացիներն աշխատում են, որպեսզի նրանց էներգետիկան վերաորակավորեն իրենց ստանդարտներով: Նրանք նույնպես դա չեն թաքցնում: Արդեն չեն խոսում պատժամիջոցների, մաքսատուրքերի մասին, որոնք մինչեւ երկինք են հասցնում այն երկրների համար, որոնք ամերիկացիներին չեն լսում այն հարցում, թե ինչպես պետք է աշխատել Ռուսաստանի Դաշնության հետ», - Նշել է նա: «Մեր մոտեցումը սահմանվել է (Ռուսաստանի) նախագահի կողմից՝ ելնելով մեր ազգային շահերից: Մենք չենք ընդունում առեւտրային, տնտեսական, արժույթային պատերազմների մեթոդները, որովհետեւ դրանք չարաշահումը շարունակվում է աննախադեպ մասշտաբներով»,- ընդգծել է ՌԴ ԱԳՆ ղեկավարը:

ԿՈՆՎԵՐՍ ԲԱՆԿ

ԿՈՆՎԵՐՍ ԲԱՆԿԻՆ ԱՐԺԱՆԱՅԵԼ Է ՄՐՑԱՆԱԿԻ

Կոնվերս Բանկն արժանացել է Mastercard-ի Excellence in Customer Experience մրցանակին: Մրցանակը Կոնվերս Բանկին շնորհվել է Mastercard համակարգի հետ արդյունավետ համագործակցության, ինչպես նաեւ C360 բանկային ծառայությունների փաթեթների օգտակարությամբ հաճախորդներին մասնագիտորեն փորձառության համար:

Մրցանակաբաշխությունը կայացել է միջազգային վճարահաշվարկային համակարգի տարեկան միջոցառման շրջանակում, որը միավորել էր ֆինանսաբանկային ոլորտի ներկայացուցիչներին՝ նախորդ տարվա արդյունքներն ամփոփելու եւ առաջիկա ծրագրերը ներկայացնելու նպատակով:

Համագործակցության շրջանակում 2025-ին Կոնվերս Բանկն ու Mastercard-ն իրականացրել են երկու խրախուսման արշավ C360 փաթեթների օգտատերերի համար.

- Ամերիկյան առևտրի կետերում առցանց գնումներ կատարած եւ առաքումը Գլոբֆինգով կազմակերպած հաճախորդները քեշբեք են ստացել թե՛ Բանկից, թե՛ Գլոբֆինգից:
- Իսկ C360 Ultra, Elite, Signature եւ Synergy փաթեթների օգտատերերը, ովքեր հանգիստն անց են կացրել Իտալիայում կամ ԱՄԷ-ում ու անկանխիկ գնումներ կատարել C360 MC World կամ MC World Elite քարտերով, ստացել են մինչեւ 100.000 ՀՀ դրամ քեշբեք Կոնվերս Բանկից:

ՏԱՐԱԾԱՇՆՐՋԱՆ

ՄԱԿՐՈՆԻ ԱՌԱՋԱՐԿԸ



Ֆրանսիայի նախագահ Էմանուել Մակրոնը հայտնել է, որ մի քանի եվրոպացի պաշտոնակցի առաջարկել է վերսկսել երկխոսությունը Ռուսաստանի հետ: Նա հարցազրույց է տվել եվրոպական մի շարք լրատվամիջոցների:

«Ումանց համար դեռ շատ վաղ էր ուղարկել իրենց դիվանագիտական խորհրդականներին, ինչպես դա արեցինք մենք», - Ֆրանսիայի ղեկավարի խոսքերն է մեջբերել Suddeutsche Zeitung թերթը:

Մակրոնը Նկատի է ունեցել փետրվարի 3-ին իր դիվանագիտական խորհրդական Էմանուել Բոնի գաղտնի այցը Մոսկվա, որի մասին հայտնել էր Reuters գործակալությունը:

«Իմ խորհրդածությունները շատ պարզ են՝ արդյո՞ք ցանկանում ենք քննարկումը

TRUSTED BY GENERATIONS

EXCELLENCE IN CUSTOMER EXPERIENCE

Ներկայացնելով C360 փաթեթների ճամփորդական առավելությունները՝ Բանկում Նշել են, որ դրանք հասանելիություն են ապահովում ոչ միայն բանկային ծառայություններին, այլև օգնում են հեշտությամբ կազմակերպել ճամփորդությունները՝ առաջարկելով

- Աշխարհի ավելի քան 1200 օդանավակայանների սպասարկման սրահների մուտք՝ անվճար,
- Զվարթնոց միջազգային օդանավակայանի Fast track & Business Lounge ծառայությունից օգտվելու համար հավելյալ անվճար վաուչերներ Բանկի ծառայություններից ակտիվ օգտվող հաճախորդներին,

- Ճամփորդական ապահովագրություն,
 - Կոնսիերժ ծառայություն,
 - Զեղչեր եւ արտոնություններ աշխարհի տարբեր երկրներում:
- C360-ի շրջանակում հաճախորդներին ճամփորդական բարձրակարգ փորձառության տրամադրման նպատակով Կոնվերս Բանկը եւ Mastercard-ը առաջիկայում հանդես կգան համատեղ բացառիկ առաջարկներով:
- Մանրամասն՝ conversebank.am, 010 511 211
- Կոնվերս Բանկը վերահսկվում է ՀՀ ԿԲ կողմից

պատմիրակել ուրիշներին: Մեր աշխարհագրական դիրքը չի փոխվի, դուր է գալիս մեզ Ռուսաստանը, թե ոչ, այն նաեւ վաղը ոչ մի տեղ չի անհետանա: Այն մեր կողքին է», - Նշել է Մակրոնը:

Ուստի, նրա կարծիքով, անհրաժեշտ է «կազմակերպել ռուսների հետ եվրոպական քննարկման վերսկսումը՝ չլինելով դյուրահավատ, չգործադրելով ճնշում ուկրաինացիների վրա, բայց նպատակ դնելով այդ քննարկմանը կախված չլինել երրորդ կողմից»: Դեռեւս ղեկտեմբերին Մակրոնը Նշել էր Մոսկվայի հետ երկխոսությունը վերականգնելու անհրաժեշտության մասին:

Ըստ El Pais թերթի, որը նույնպես ներկա է եղել Մակրոնի հետ հարցազրույցին, Ֆրանսիայի նախագահը նաեւ հայտարարել է, որ եվրոպան ստիպված կլինի իր «անվտանգության նոր ճարտարապետությունը կառուցել Ռուսաստանի հետ միասին»:

ԹՐԱՄՓԸ ՄՊԱՌՆԱՅԵԼ Է

ԱՄՆ նախագահ Դոնալդ Թրամփը հայտարարել է, որ կխոչընդոտի Կանադայի Օնտարիոյի նահանգից դեպի ԱՄՆ-ի Միչիգանի նահանգ կամրջի բացմանը, մինչեւ ԱՄՆ-ն չստանա կամրջի սեփականության իրավունքի կեսը: Այս մասին նա գրել է Truth Social հարթակում:

Թրամփը Նշել է, որ Կանադան է կամրջի եւ կանադական, եւ՝ ամերիկյան հատվածի սեփականատերը:

«Ես թույլ չեմ տա, որ այս կամուրջը բացվի, մինչեւ Միացյալ Նահանգները չստանա լիարժեք փոխհատուցում մեր կողմից նրանց տրված ամեն ինչի համար, եւ, ամենակարեւորը, մինչեւ Կանադան Միացյալ Նահանգներին չվերաբերվի այն արդարությամբ եւ հարգանքով, որին մենք արժանի ենք: Մենք անմիջապես կսկսենք բանակցություններ: Հաշվի առնելով այն ամենը, ինչ մենք նրանց տվել ենք՝ մենք, հավանաբար, պետք է դառնանք այս ակտիվի առնվազն կեսի սեփականատերը», - գրել է Թրամփը:

Նա ստեղծված իրավիճակի համար մեղադրել է ԱՄՆ նախկին նախագահ Բարաք Օբամային՝ Նշելով, որ նա է թույլ տվել, որ Կանադան կարողանա շրջանցել «Գնել ամերիկյան» օրենքի գործողությունը եւ չներմուծել ամերիկյան ապրանքներ, ինչի պատճառով տուժում են ամերիկյան արտադրողները:

ԱՄՆ նախագահը եւս մեկ անգամ քննադատել է Հինաստանի հետ առեւտրային համաձայնագիր կնքելու Կանադայի իշխանությունների մտադրությունը՝ Նշելով, որ Հինաստանը «ողջ-ողջ կուտի Կանադային»:

Կամուրջը կկապի ԱՄՆ Միչիգանի նահանգի Դետրոյթ քաղաքը Կանադայի Օնտարիոյի նահանգի Վինձոր քաղաքի հետ: Կամրջի շինարարության արժեքը գնահատվում է ավելի քան 4 միլիարդ դոլար: Շինարարությունը ֆինանսավորվում է Կանադայի դաշնային կառավարության կողմից, եւ ակնկալվում է, որ վճարները կծածկեն այդ ծախսերը:

● «Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄԵԴԻԱ

ԵՐԱԶԱՅԻՆ

ԱԳՆԵՇԿԱ ԱՊՈԶՆԱՆՄԵԱՅԻ «ՊԱՄԻԹԵԱ» ՅՈՒՑԱՐԱՆԴԵՍԸ

Ագնեշկա Արոգանսկայի «Պասիթեա» ցուցահանդեսում դիտողը ներգրավում է իր բոլոր զգայարանները: Պասիթեան ԲՆԻ աստծո կինն է, եւ ցուցահանդեսում նկարչուհին ուսումնասիրում է հանգստի թեման:

Ինչպես տեղեկանում ենք EWRONEWS-ից՝ Վարշավայի Լոտնա պատկերասրահում Ագնեշկա Արոգանսկայի «Պասիթեա» ցուցահանդեսի այցելուների համար առաջինը բույրն է: Չնայած ցուցահանդեսը հիմնականում նկարչական է, կազմակերպիչները հրավիրել են օժանելագործի՝ տեսողական փորձը լրացնելու մի շարք այլ զգացողություններով:

Ագնեշկա Արոգանսկայան խոստովանում է, որ միաժամանակ մի քանի նկարների վրա աշխատելով՝ նա, ի վերջո, հավաքում է մի հանելուկ: Նկարչուհին ցանկանում է, որ դիտողը խաղա այս խաղը. «Յուրաքանչյուր հաջորդ աշխատանքի հետ ես խաղաղություն եմ գտնում ինչ-որ այլ բանի մեջ՝ խորհրդանշիչ, գույնի ինտենսիվության կամ մարմնի տարբեր բեկորի մեջ: Եվ յուրաքանչյուր աշխատանք ինձ մի փոքր ակնարկ էր տալիս այն մասին, թե ինչպիսին կլինի հաջորդը»:

Ագնեշկա Արոգանսկայի աշխատանքներում գերակշռում են վարդագույն երանգները: Նրա համար այս գույնն ունի բազմաթիվ իմաստներ:

«Այս աշխատանքները շատ երազային են, երազային: Ագնեշկան իր նկարներում մշուշոտում է ուրվագծերը. սա նրա բնորոշ գիծն է: Եւ հենց այս մշուշոտության եւ պատկերված իրավիճակների որոշ չա-



փով անհրատեսական բնույթի վրա է, որ մենք կառուցեցինք «Պասիթեա» ցուցահանդեսը: Մենք ցանկանում էինք, որ այն լինի հանգստի հրավեր, բայց նաեւ թողնելու որոշակի դիրք, դիմակ, որը մենք կրում ենք ամեն օր», - բացատրում է ցուցահանդեսի կազմակերպիչը:

Ցուցահանդեսում նույնքան կարեւոր է վարդագույնի մոտիվը, որը բացահայտում է նկարչի մշուշոտ աշխարհը:

«Ինձ համար սա մի գույն է, որը միաժամանակ շատ կանացի է, կարծրատիպային կանացի, քանի որ վարդագույնը ավանդաբար ասոցացվում է աղջիկների հետ, բայց միեւնույն ժամանակ այն կապված է մտերմության, մոր արգանդի ջերմության, մաշկի եւ ուժեղ ֆիզիկականության հետ: Յուրաքանչյուր աշխատանքում ես այն ուսումնասիրում եմ մի փոքր այլ ուղղությամբ՝ փորձելով բացահայտել

այս գույնի մտերմ, երբեմն զգվելի որակները: Կեղտոտ վարդագույնը կարող է առաջացնել քերծվածքներ, թեքվել դեպի արյուն, առաջացնել անհանգստություն եւ, մյուս կողմից, առաջացնել ջերմության, սիրո եւ այս գույնի Նյութականության զգացողություններ», - ասում է նկարիչը:

Նկարչուհին խոստովանում է, որ վերնիսաժը այն քիչ պահերից մեկն է, երբ նա կարող է միաժամանակ տեսնել իր նկարները այդքան մեծ թվով եւ մի փոքր խաղալ դրանց հետ:

Նկարիչը կցանկանար, որ դիտողը միանար այս խաղին: «Այսինքն՝ քայլելիս նրանք կփնտրեն այս պատմությունը եւ այս մոտիվը, որը շարունակվում է աշխատանքից աշխատանք: Որպեսզի նրանք նայեին մեկ նկարին եւ մի պահ անց շարունակեին իրենց միտքը հաջորդի վրա: Ճիշտ այնպես, ինչպես ես եմ անում իմ գործընթացում», - խրախուսում է նա:

Ագնեշկա Արոգանսկայի «Պասիթեա» նկարչական ցուցահանդեսը բաց է Վարշավայի Լոտնա պատկերասրահում մինչեւ մարտի 6-ը: Սուրբ Վալենտինի օրը՝ փետրվարի 14-ին, Վրոցլավում բնակվող նկարչուհին անձամբ կոնկավարի շրջագայություն բոլորի համար:

Վարդագույնի մոտիվը նույնպես հայտնվում է ցուցահանդեսում: Դա վարդագույն, շրջանաձեւ, թափանցիկ վարդագույն է, տեղադրված նկարների միջեւ, որի միջով կարելի է տեսնել մշուշոտ աշխարհ՝ այնպիսին, ինչպիսին Ագնեշկա Արոգանսկայան պատկերում է իր աշխատանքներում:

ԳՐԵՏԱ ՍՈՂՈՍՏՈՆՅԱՆ

ԱՇԽԱՐՀ

ԳՈՅՈՒԹՅՈՒՆ ՈՒՆԵՆ ԱՅԼՄՈԼՈՐԱԿԱՅԻՆՆԵՐ

Սթիվեն Սփիլբերգը վերադառնում է մանկուց իրեն հետաքրքրող թեմային՝ այլ-մոլորակայինների կյանքին: Երեկ Universal Pictures-ը թողարկել է Disclosure Day ֆիլմի կուլիսներից մի տեսանյութ, որտեղ 79-ամյա ռեժիսորը քննարկում է անհասկանալիի նկատմամբ իր վաղեմի հետաքրքրությունը:

«Ես միշտ հիացել եմ այն բաներով, որոնք հնարավոր չէ բացատրել: Ես շատ ֆիլմեր եմ նկարահանել այն բաների մասին, որոնք գերազանցում են սովորականը՝ շնամկներից մինչեւ թռչող ափսեներ», - ասում է Սփիլբերգը տեսանյութում: Նա ասում է, որ դեռ մանկուց երկար ժամանակ նայել է գիշերային երկնքին եւ ավելի ու ավելի է համոզվել, որ երկրից այն կողմ կյանքը վարկած չէ, այլ անխուսափելիություն:

«Ոչ միայն հնարավորություն է, այլ երաշխիք, որ կյանք գոյություն ունի մեր մոլորակից այն կողմ», - ընդգծում է ռեժիսորը:

Սփիլբերգը Disclosure Day ֆիլմի առաջին կադրերը հրապարակել է դեռեւս դեկտեմբերին: Ֆիլմում նկարահանվել են Էմիլի Բլանտը, Ջոշ ՕՔոնորը, Քոլին Ֆերթը, Իվ Յուսոնը եւ Ջովան Դոմինգոն: Նախագիծը հիմնված է ռեժիսորի կողմից ստեղծված ինքնատիպ գաղափարի վրա, իսկ սցենարը գրել է Դեյվիդ Քեմփը՝ «Յուրայի դարաշրջանի այգի» եւ «Աշխարհների պատերազմ» ֆիլմերի ռեժիսորը:

Նոր տեսահոլովակում Սփիլբերգը հարցեր է բարձրացնում, որոնք, նրա կարծիքով, այսօր մտահոգում են միլիոնավոր

մարդկանց: «Յետաքրքրությունը ոչ միայն մեր երկնքում, այլեւ մեր իրականության մեջ տեղի ունեցողի նկատմամբ հասել է կրիտիկական կետի: Մենք բոլորս հարցնում ենք. մենա՞կ ենք տիեզերքում: Եւ եթե ինչ-որ մեկը գիտի, որ մենք մենակ չենք, ինչո՞ւ դեռ չի ասել մեզ»:

Ֆիլմի սյուժեն ներկայումս գաղտնի է պահվում, բայց հայտնի է, որ այն կպատմի այլմոլորակայինների գոյության պաշտոնական հաստատման շուրջ: Նախագծի նկարագրության մեջ ասվում է. «Եթե ձեզ ապացուցեին, որ մենք մենակ չենք, դա կվախեցնե՞ր ձեզ: Այս ամռանը ճշմարտությունը կբացահայտվի 7 միլիարդ մարդու համար: Մենք մոտենում ենք... Բացահայտման օրվան»:

Նոր ֆիլմը ռեժիսորի վերադարձի տպավորություն է թողնում իր մանկության վախերին ու ֆանտազիաներին՝ շատ նման նրա նախորդ՝ «Ֆաբելմանները» ֆիլմին, որը ոգեշնչված էր անձնական պատմությամբ:

Disclosure Day-ը կթողարկվի հունիսի 12-ին:

«ԱՊՏԱԿ ՄԵՐ ԵՐԿՐԻ ԳԵՄՔԻՆ»

Նախագահ Դոնալդ Թրամփը մեղմ քննադատություն է հնչեցրել Bad Bunny-ի Super Bowl LX-ի ընդմիջման ելույթի վերաբերյալ՝ այն անվանելով «բացարձակապես սարսափելի, վատագույններից մեկը»:

Սոցիալական ցանցերում գրառման մեջ Թրամփը շոուն անվանել է «ապտակ մեր երկրի դեմքին» եւ որ դրանում «ոչ մի ոգեշնչող բան չկա»: «Դա անհեթեթու-

թյուն է, վիրավորանք Ամերիկայի մեծության նկատմամբ եւ չի արտացոլում մեր հաջողության, ստեղծագործականության կամ գերազանցության չափանիշները: Ոչ ոք չի հասկանում, թե ինչ է նա ասում, եւ պարզ զգվելի է, հատկապես երկրի տարբեր ծայրերից եւ աշխարհից հետեւող երեխաների համար», - ավելացրել է Թրամփը:

Պուերտոռիկացի կատարողը հուզիչ շոու էր կազմակերպել Սանտա Կլարայի (Կալիֆոռնիա) «Լեւի» մարզադաշտում կատարելով իր հիթերը հիմնականում իսպաներենով: Շոուն զագաթնակետին է հասել Ամերիկաների՝ Չիլիից մինչեւ Կանադա մեծ ցուցադրությամբ, որը հասել է Պուերտո Ռիկոյին՝ արտիստի հայրենիքին: Իր ելույթի սկզբում Բադ Բանին դիմել է հանդիսատեսին՝ ընդգծելով ինքը քեզ հավատալու կարեւորությունը. «Երբեք, երբեք մի դադարիր ինքդ քեզ հավատալ, եւ դու նույնպես պետք է հավատաս ինքդ քեզ»:

Արտիստը ելույթ է ունեցել Կարիբյան ավազանը խորհրդանշող շաքարեղեգի դաշտերի թեմայով բեմում եւ կանգ առել պիրավուա պարպաղակի կրպակի մոտ: Նրա կատարած երգերի թվում էին նրա հիթերը՝ «BAILE INoVIDABLE» եւ «NUEVAYoL», որոնք նա կատարել է Լա Մարկետա շուկայի մակետի ֆոնին:

Լեդի Գաբան բեմ է բարձրացել «Die With a Smile» երգի սալսա տարբերակով, ինչպես նաեւ Ռիկի Մարտինը: Կուլմինացիոն պահին Բադ Բանին բեմի վրա գտնվող երիտասարդ երկրպագուին նվիրել է գրամֆոն, եւ շոուն ավարտվել է նրա «D+MF» հիթի ցնցող հրավառուությամբ:

ՄԱՐԶԱԿԱՆ

ՎԻՐԱՇԱՏՎԵԼ Է

Անգլիայի փոխշենսպիս Լոնդոնի «Արսենալի» եւ Եվրոպայի չեմպիոն Իսպանիայի հավաքականի կիսապաշտպան Միկել Մերինոն վիրահատվել է ուռնաթաթի ծանր վնասվածքից հետո, որը ստացել էր «Մանչեսթեր Յունայթեդի» դեմ Անգլիայի Պրեմիեր լիգայի 24-րդ տուրի խաղում (2:3): «Վիրահատությունն ավարտված է, արդեն գրեթե պատրաստ եմ վերադառնալ: Շնորհակալություն բոլոր հաղորդագրությունների եւ սիրո համար: Դա իսկապես մեծ էներգիա է տալիս, որպեսզի հաղթահարեմ այս մարտահրավերը», - սոցիալական ցանցերում գրել է Միկել Մերինոն: Ընթացիկ մրցաշրջանում 29-ամյա ֆուտբոլիստը մասնակցել է 33 հանդիպման, խփել է 6 գոլ, կատարել 3 գոլային փոխանցում:

ՀՐԱԺԱՐԱԿԱՆ

Իսպանիայի չեմպիոն «Բարսելոնա»-ի» նախագահ Ժոան Լապորտան եւ ակումբի կառավարման խորհրդի մյուս անդամները հրաժարական են ներկայացրել, որպեսզի հնարավորություն ունենան մասնակցելու կատալոնական ակումբի ղեկավարության նոր ընտրություններին, որոնք նշանակվել են մարտի 15-ին: Հաղթողը հուլիսի 1-ին կզբաղեցնի իր պաշտոնը: Մինչ այդ՝ «Բարսելոնան» կոնկավարի ակումբի փոխնախագահ Ռաֆայել Յուստեն:

ԸՆՈՐՀԱՆԴԵՍ

Օրեր առաջ հայ ընթերցողին ներկայացվեց հայկական ֆուտբոլի լեգենդ, ազգային թիմի նախկին ավագ Հենրիխ Մխիթարյանի կենսագրական գիրքը՝ «Իմ կյանքը՝ միշտ կենտրոնում», որը հայերեն հրատարակել է NewMag հրատարակչությունը: Ալեքանդրո Ալեխանդրոյի համահեղինակությամբ գրված գրքի բնօրինակը իտալերեն է: Գիրքն ունի 25 գլուխ: Այն պատմություն է որդիական կարոտի եւ հոր՝ Համլետ Մխիթարյանի մասին: Գրքի շնորհանդեսի ժամանակ Հենրիխ Մխիթարյանը հանդես եկավ ուղերձով. «Այս գիրքն իմ կյանքի պատմությունն է, բայց այն գրել եմ ոչ միայն իմ մասին, այլ նրանց մասին, ովքեր երազում են, պայքարում են, ովքեր երբեմն ընկնում են, բայց չեն հանձնվում: Այն իմ մանկության, ընտանիքի, դժվար որոշումների ու ցավոտ պահերի մասին է», - ասաց Մխիթարյանը:

ՎԵՐՄԿՍԵՑ ՄԱՐԶՈՒՄՆԵՐԸ

Պորտուգալացի հարձակվող Կրիշտիանու Ռոնալդուն վերսկսել է մարզումները սաուդյան «Ալ Նասրի» կազմում, հաղորդում է պորտուգալական A Bola-ն: Այդուամենայնիվ, Ռոնալդուն չի մասնակցի Թուրքմենստանի «Արկարադազի» դեմ հանդիպմանն Ասիայի Չեմպիոնների լիգայում: Այդ հանդիպումը տեղի կունենա փետրվարի 11-ին: Նրա վերադարձը խաղադաշտում սպասվում է փետրվարի 14-ին «Ալ Ֆատեհի» դեմ հանդիպմանը Սաուդյան Արաբիայի առաջնությունում: Ռոնալդուն դժգոհ է Սաուդյան Արաբիայի ներդրումային հիմնադրամի քաղաքականությունից: Այդ հիմնադրամին են պատկանում «Ալ Նասր», «Ալ Իթիհադ», «Ալ Յիլալ», «Ալ Ահլի» ակումբները: Ռոնալդուն բոլորտել է «Ալ Նասրի» նախորդ երկու հանդիպումները:

● Փետրվարի 11-ին՝ ժամը 19:00-ին, Կ. Ստանիսլավսկու անվան դրամատիկական թատրոնում տեղի կունենա «Ցանկապատ» ներկայացումը:

ՍՈՑԻԱԼԱԿԱՆ

ՀԱՐՑ. Անչափահասին կամ անգործունակ կամ սահմանափակ գործունակ անձին կենսաթոշակ նշանակելու համար ո՞վ պետք է դիմի կենսաթոշակ նշանակող մարմին:

Կարինե Մարգարյան, 47 տարեկան



ՊԱՏԱՍԽԱՆ. Կարինե Մարգարյանի հարցին ի պատասխան՝ տեղեկացնում ենք, որ անգործունակ կամ սահմանափակ գործունակ կամ մինչև 14 տարեկան անչափահաս անձին կենսաթոշակ նշանակելու համար նրա հաշվառման վայրի կենսաթոշակ նշանակող ստորաբաժանում գրավոր դիմում է ներկայացնում ծնողը (որդեգրողը կամ խնամակալը կամ հոգաբարձուն): Եթե անչափահաս կամ անգործունակ կամ սահմանափակ գործունակ անձի օրինական ներկայացուցիչը համապատասխան կազմակերպությունն է (մանկատունը կամ հոգեբուժարանը), որտեղ գտնվում է անչափահաս կամ անգործունակ կամ սահմանափակ գործունակ անձը, նրան կենսաթոշակ նշանակելու համար գրավոր դիմումը եւ անհրաժեշտ փաստաթղթերը կազմակերպության գտնվելու վայրի կենսաթոշակ նշանակող ստորաբաժանում է ներկայացնում այդ կազմակերպության ղեկավարը կամ նրա լիազորած անձը: 14 տարեկան անձն իրավունք ունի կենսաթոշակ նշանակելու համար դիմել անձամբ:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՐԴ». Կենսաթոշակ նշանակող ստորաբաժանումը կենսաթոշակ նշանակելը մերժելու կամ անձին կենսաթոշակ նշանակելու եւ լրացուցիչ փաստաթուղթ ներկայացնելու անհրաժեշտության մասին որոշում կայացնելու դեպքում հինգ աշխատանքային օրվա ընթացքում այդ մասին պատշաճ կարգով ծանուցում է կենսաթոշակ նշանակելու համար դիմած անձին՝ նշելով մերժելու պատճառները եւ որոշումը բողոքարկելու կարգը:



ՀԱՍԱՐԱԿՈՒԹՅՈՒՆ

ՀԱՐՑ. Ի՞նչ փաստաթղթեր են ներկայացվում ամուսնալուծության դեռական գրանցման համար:

Շուշաննա Գաբրիելյան, 47 տարեկան

ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ անհրաժեշտ է ներկայացնել՝

- 1) ամուսնալուծվողի (ամուսնալուծվողների) անձը հաստատող փաստաթղթերը կամ դրանց պատճենը,
- 2) ամուսնության պետական գրանցման վկայականը՝ առկայության դեպքում, կամ ամուսնության պետական գրանցման մասին տվյալներ՝ գրանցող մարմինը, վայրը եւ ժամանակը,
- 3) դատարանի՝ օրինական ուժի մեջ մտած վճռի պատճենը կամ դրա քաղվածքը՝ ամուսիններից մեկին անհայտ բացակայող ճանաչելու մասի,
- 4) դատարանի՝ օրինական ուժի մեջ մտած վճռի պատճենը կամ դրա քաղվածքը՝ ամուսիններից մեկին անգործունակ ճանաչելու մասին,
- 5) դատարանի՝ օրինական ուժի մեջ մտած դատավճռի պատճենը կամ դրա քաղվածքը՝ ամուսիններից մեկին ազատագրկման դատապարտելու վերաբերյալ,
- 6) դատարանի՝ օրինական ուժի մեջ մտած վճիռը՝ դատական կարգով ամուսնալուծությունը գրանցելու մասին,
- 7) անգործունակ անձի նկատմամբ օրինական ներկայացուցիչ նշանակվելու մասին իրավասու մարմնի որոշման պատճենը:
- 8) Ամուսնալուծության պետական գրանցման դիմումը լիազորված անձի միջոցով ներկայացվելու դեպքում նաեւ ներկայացվում է անձի լրացրած եւ սահմանված տեղեկությունները պարունակող դիմումը՝ հաստատված նոտարական կարգով:

ՀՀ արդարադատության նախարարություն

«ԺՈՂՈՎՈՐԴ». Ամուսնալուծության պետական գրանցումը կատարվում է ամուսնալուծության մասին դիմում տալու օրվանից մեկ ամիս անցնելուց հետո: Ամուսնալուծության պետական գրանցման համար ներկայացված դիմումը ուժի մեջ է վեց ամսվա ընթացքում:

ԼՈՒՐ ԿԱԴՐ

Լուսանկարն արվել է Արուսյան փողոցում



Փողոցում իրականացվում են ամենօրյա մաքրման աշխատանքներ՝ պահպանելու քաղաքի մաքուր ու կոկիկ տեսքը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայփոստ» ՊԺԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդադարանանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արուսյան 22՝/3, հեռ՝ **010 54-64-23**
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության **10.02.2026**
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, **Գ** նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»: